



California li hom kab ke pov thaiv thiab pab txhawb nqa

Cov Kev Pab Cuam Mob Nkeeg Fab Hlwb Tshwj Xeeb hauv Kev Npaj Haujlwm Kev Mob Nkeeg Fab Hlwb Ntawm Lub Cheeb Nroog

Lub Rau Hli Ntuj 2018, Kev Tshaj Tawm Najnpawb 5084.09

Cov Kev Pab Cuam Mob Nkeeg Fab Hlwb Tshwj Xeeb hauv Kev Npaj Haujlwm Kev Mob Nkeeg Fab Hlwb (MHP, Mental Health Plan) Hauv Cheeb Nroog

Qee cov kev pab cuam mob nkeeg fab hlwb uas muaj rau siv uas yuav tau them nqi Medi-Cal¹ tus neeg muab kev pab cuam lossis cov kev npaj haujlwm saib xyuas neeg mob uas raug tswj xyuas ntawm Medi-Cal, thaum lwm cov muaj rau siv tsuas yog hauv cov Kev Npaj Haujlwm Kev Mob Nkeeg Fab Hlwb ntawm cheeb nroog raws li Daim Ntawv Qhia Tsis Siv Cov Kev Pab Cuam Mob Nkeeg Fab Hlwb Tshwj Xeeb.² Daim ntawv luam tawm no yuav hais ntsees txog cov kev pab cuam mob nkeeg fab hlwb tshwj xeeb uas muaj siv hauv Cov Kev Npaj Haujlwm Kev Mob Nkeeg Fab Hlwb (MHPs) Hauv Cheeb Nroog.

¹Yog hais tias koj nyob rau Medi-Cal qhov kev pab cuam uas yuav tau them nqi ces koj tuaj yeem mus rau txhua tus neeg muab kev pab cuam uas siv Medi-Cal. Nws kuj tseem txhais tau hais tias koj yuav tsis tau rau npe nkag hauv kev npaj haujlwm saib xyuas uas raug tswj xyuas ntawm Medi-Cal. - ([Rov Mus Rau Ntawm Lub Hauv Paus Ntaub Ntawv](#))

² Tsab Cai Nyiaj Xoom Qhaub thiab Tsev Kawm Ntawv (Welfare & Institutions Code) § 14189. - ([Rov Mus Rau Ntawm Lub Hauv Paus Ntaub Ntawv](#))

Yog xav paub xov xwm ntau ntxiv hais txog cov kev pab cuam mob nkeeg fab hlwb uas muaj siv nyob hauv Medi-Cal ces saib Daim Ntawv Tshaj Tawm Najnpawb #5609.01 – [Medi-Cal Uas Tau Tswj Xyuas Cov Kev Npaj Haujlwm Saib Xyuas thiab Cov Kev Pab Cuam Mob Nkeeg Fab Hlwb.](#)

Cov kev pab cuam mob nkeeg fab hlwb tshwj xeeb yog dab tsi?

Cov kev pab cuam mob nkeeg fab hlwb tshwj xeeb xam muaj xws li Cov Kev Pab Cuam Mob Nkeeg Fab Hlwb Ntu Sij Hawm Nyob Kho Kom Zoo Rov Los, Cov Kev Pab Cuam Fab Kev Kho Neeg Xiam Hlwb Rau Tus Neeg Mob Pw Tsev Kho Mob (Psychiatric Inpatient Hospital Services), Kev Tswj Xyuas Tus Neeg Mob Uas Muaj Npe Lawm, Cov Kev Pab Cuam Fab Kws Kho Neeg Xiam Hlwb, Cov Kev Pab Cuam Fab Kws Npliang Siab Ntsws, EPSDT³ Cov Kev Pab Cuam Mob Nkeeg Fab Hlwb Tshwj Xeeb Ntxiv, thiab Kev Pab Cuam Fab Khoom Siv Kom Muaj Kev Yooj Yim Rau Kev Tu Neeg Mob Xiam Hlwb.⁴ Tej npe teev uas ntxaws ntxaws txog cov kev pab cuam uas duav txog tsij ntsees muaj nyob hauv qab no. Cov kev pab cuam mob nkeeg fab hlwb tshwj xeeb yuav raug muab kev pab cuam los ntawm cov kws kho mob txawj txaus rau kev mob nkeeg fab hlwb xws li kws kho neeg xiam hlwb, kws npliang siab ntsws, cov kws ua haujlwm pab nyiaj xoom qhaub fab kev kho mob uas muaj ntawv tso cai (LCSWs, Licensed Clinical Social Workers), cov kws kho mob rau neeg muaj txij nkawm thiab tsev neeg uas muaj ntawv tso cai (MFTs, licensed marriage and family therapists), kws kho neeg xiam hlwb qib me, lossis cov neeg muab kev pab cuam txhawb nqa uas sib xws. Koj tus kws kho mob tseem ceeb lossis lwm tus neeg muab kev saib xyuas mob nkeeg fab nrog cev kuj

³ Kev Kuaj Mob, Kev Ntsuam Qhia Mob thiab Kev Kho Mob Thaum Xub Thawj thiab Ua Ntu Zus (EPSDT, Early and Periodic Screening, Diagnostic and Treatment) yog feem kev noj qab nyob zoo rau menyuum yaus ntawm Medicaid. Cov cai thiab cov kev cai tswj ntawm tsoom fww hais tias cov menyuum hnuv nyoog qis dua 21 xyoos uas tau rau npe nkag hauv Medicaid lawm muaj cai tau cov nyiaj pab ntawm EPSDT thiab Lub Xeev ntawd yuav tsum duav txog cov kev pab cuam tshuaj tiv thaiv thiab kev kho mob yam dav fo. - [\(Rov Mus Rau Ntawm Lub Hauv Paus Ntaub Ntawv\)](#)

⁴ 9 C.C.R. § 1810.247(a-g).

yuav tuaj yeem muab cov kev pab cuam mob nkeeg fab hlwb ub no rau koj yog hais tias koj pom zoo. Txawm li cas los xij qhov no yuav tsis raug ntsia tias yog cov kev pab cuam mob nkeeg fab hlwb tshwj xeeb.

Cov kev pab cuam mob nkeeg fab hlwb tshwj xeeb yuav raug muab rau siv tau li cas?

Cov kev pab cuam mob nkeeg fab hlwb tshwj xeeb yuav raug mob rau cov neeg uas tau txais txiaj ntsig ntawm Medi-Cal hauv Cov Kev Npaj Haujlwm Mob Nkeeg Fab Hlwb (MHPs) Qib Cheeb Nroog.⁵ Tag nrho txhua cov MHP yog ib feem ntawm rooj tsav xwm saib xyuas kev mob nkeeg fab hlwb lossis kev mob nkeeg raws cwj pwm qib cheeb nroog.⁶ MHP yuav tuaj yeem muab cov kev pab cuam hauv nws cov neeg ua haujlwm lossis hauv nws cov neeg muab kev pab cuam uas muaj ntaub ntawv cog lus.⁷

Cov kev pab cuam mob nkeeg fab hlwb tshwj xeeb uas kuv muaj cai tau ntawd yog dab tsi?

Koj muaj cai rau ib qho kev pab cuam mob nkeeg fab hlwb tshwj xeeb yog hais tias qhov kev pab cuam ntawd yog ib qho kev pab cuam uas raug duav txog raws li phiajxwm Medi-Cal thiab yog kev kho mob uas tsim nyog rau koj tib si. Cov kev pab cuam uas duav txog tsuas raug muab rau thaum nws muaj kev tsim nyog kho mob nkaus xwb.⁸

Cov kev pab cuam mob nkeeg fab hlwb tshwj xeeb twg thiaj raug duav txog?

⁵ Cal. Welf. & Inst. Code §14680(b).

⁶ Cal. Welf. & Inst. Code §14680(d).

⁷ 9 C.C.R. §1810.436(a).

⁸ 9 C.C.R. §1810.345(a).

Cov kev pab cuam mob nkeeg fab hlwb tshwj xeeb ntawm neeg mob tsis pw kho mob yuav raug **duav txog** yog hais tias nws nyob rau cov npe teev tseg nram qab no.⁹

- (a) Cov Kev Pab Cuam Mob Nkeeg Fab Hlwb Ntu Sij Hawm Nyob Kho Kom Zoo Rov Los, xam muaj xws li:
 - 1. Cov kev pab cuam mob nkeeg fab hlwb
 - 2. Cov kev pab cuam siv tshuaj pab kho mob
 - 3. Ntu sij hawm kho mob nruj
 - 4. Ntu Sij Hawm Nyob Kho Kom Zoo Rov Los
 - 5. Kev cuam tshuam ti tes ti taw
 - 6. Kev tswj kom nyob tus thaum ti tes ti taw
 - 7. Cov kev pab cuam kho mob rau neeg loj tom tsev
 - 8. Cov kev pab cuam kho mob rau neeg loj tom tsev thaum ti tes ti taw
 - 9. Cov kev pab cuam khoom siv kom muaj kev yooj yim rau neeg mob xiam hlwb
- (b) Cov kev pab cuam neeg mob xiam hlwb pw tsev kho mob
- (c) Kev tswj xyuas tus neeg mob uas muaj npe lawm
- (d) Kev Pab Cuam Fab Kws Kho Neeg Xiam Hlwb
- (e) Kev pab cuam fab kws npliag siab ntsws
- (f) Cov kev pab cuam mob nkeeg fab hlwb tshwj xeeb ntxiv ntawm EPSDT (rau cov neeg uas muaj hnuv nyoog qis dua 21 xyoos); thiab
- (g) Cov Kev Pab Cuam Chaw Tu Neeg Mob Xiam Hlwb

Tsuas yog cov kev pab cuam neeg mob tsis pw tsev kho mob thiaj yuav tau muab los sib tham nyob hauv tsab ntawv no.

“Cov kev pab cuam mob nkeeg fab hlwb” yuav xam muaj tej kev kho mob thiab kev cuam tshuam rau ib tug neeg twg lossis rau pawg neeg uas yuav tuaj yeem txo kev xiam oob qhab fab hlwb thiab kho kom rov zoo, ua kom zoo dua qub lossis tuav tswj kev ua haujlwm li qub. Cov no yuav tsum muaj kev pab fab kev kawm paub, kev txhim kho, kev ua neej nyob nrog lwm tus thiab kev pab tau tus kheej zuj zus thiab qhov uas tsis tau raug muab rau

⁹ 9 C.C.R. § 1810.247 “Specialty Mental Health Services.” - ([Return to Main Document](#))

tam li ib feem ntawm lwm cov phiajxwm haujlwm mob nkeeg fab hlwb (piv txwv li tej phiajxwm saib xyuas nruab hnuv lossis phiajxwm saib xyuas tom tsev). Cov dej num ntawm kev pab cuam tej zaum kuj yuav xam muaj kev ntsuam xyuas, kev txhim kho hauv kev npaj haujlwm, kev kho mob, kev kho mob kom rov zoo thiab cov kev pab cuam uas ntsig txog.¹⁰

“Kev ua kom rov zoo” yog yam uas dav dav thiab yog ib qho kev pab cuam uas xam muaj tej kev pab hauv txoj haujlwm uas tab tom ua kom zoo dua qub, tab tom tuav tswj lossis tab tom kho kom rov zoo, kev niaj hnuv ua neej nyob, kev koom zej tsoom ua lom zem thiab kev so nyob dawb, cov kev txawj hnav khaub ncaws thiab txawj tu cev huv si, kev npaj ua zaub mov, cov peev txheej txhawb pab thiab tej kev kawm paub txog kev kho mob.¹¹

“Kev Tswj Xyuas Hom Mob Uas Npaj Tseg Lawm” yog ib qho kev pab cuam yuav pab koj mus txog rau kev pab cuam kho mob, kev pab cuam kev kawm paub, kev pab cuam koom zej tsoom lom zem, kev pab cuam uas npaj tsim kws, kev pab cuam uas tsim kws, kev pab cuam uas ua kom rov zoo, lossis lwm yam kev pab cuam zej zog uas xav tau, xam muaj vaj tse nrog. Qhov no tuaj yeem raug ua tiav log hauv tej kev sib txuas lus, kev sib cev lus, kev xa mus ntxiv, kev tso chaw, haujlwm kev npaj txhim kho, thiab txheej txheem soj ntsuam thiab cov kev pab cuam kom paub meej tias nkag txog lawm.¹²

“Kev kho mob uas tsim nyog” yog txhais tau li cas?

Ib qho kev pab cuam yuav yog kev kho mob uas tsim nyog thaum koj xav tau qhov kev pab cuam ntawd txhawm rau tham txog koj li zwj ceeb mob nkeeg fab hlwb ib qho twg tsij ntsees. Txawm hais tias tej kev pab cuam yog kev kho mob uas tsim nyog rau koj tab sis nws kuj tseem yuav tsum yog ib qho kev pab cuam uas duav txog raws li phiajxwm ntawm Medi-Cal txhawm rau kom koj thiaj muaj cai tau.

¹⁰ 9 C.C.R. § 1810.227

¹¹ 9 C.C.R. § 1810.243

¹² 9 C.C.R. Sec 1810.249

Muaj li plaub feem hauv cheeb tsam qauv cai kev kho mob uas tsim nyog:

1. Koj yuav tsum muaj ib qho **kev tshuaj ntsuam mob** li ib zaug txog lub hlwb ua haujlwm tsis zoo uas raug teev tseg hauv cov cai tswj:¹³
 - Mob Puas Kev Loj Hlob Vam Meej (Pervasive Developmental Disorders), tsis xam Mob Puas Kev Cim Xeeb (Autistic Disorders)
 - Mob Raws Xeeb Ceem Kev Cuam Tshuam thiab Poob Kev Muab Siab Rau (Disruptive Behavior and Attention Deficit Disorders)
 - Kev Tsis Haum Xeeb Los Ntawm Kev Pub thiab Kev Noj Thaum Tseem Mos thiab Me (Feeding and Eating Disorders of Infancy and Early Childhood)
 - Puas Kev Tshem Tawm (Elimination Disorders)
 - Lwm Yam Mob Menyuum Mos, Menyuum Yaus, lossis Menyuum Hluas
 - Schizophrenia thiab lwm yam Mob Xiam Hlwb, tshwj Mob Xiam Hlwb vim ib tug Mob Twg ntawm Kev Kho Mob Txhua Yam
 - Mob Raws Cuj Siab, tshwj Mob Raws Cuj Siab vim ib tug Mob Twg ntawm Kev Kho Mob Txhua Yam
 - Mob Ntxhov Siab, tshwj Mob Ntxhov Siab vim ib tug Mob Twg ntawm Kev Kho Mob Txhua Yam
 - Mob Txog Kev Tsim Muaj Lub Cev (Somatoform)
 - Mob Kev Tsim Keeb Tiv Thaiv (Factitious Disorders)
 - Mob Tsis Sib Haum Xeeb (Dissociative Disorders)
 - Kev Tsis Xws Poj Niam lossis Txiv Neej (Paraphilias)
 - Mob Txog Kev Zeem Neeg (Gender Identity Disorder)
 - Cov Mob Ntsig Txog Kev Noj Haus (Gender Identity Disorder)
 - Cov Mob Txog Kev Tswj Kev Hnov Paub Qee Tsam Uas Cais Hom Tsis Tau Lwm Qhov Chaw Lawm
 - Cov Mob Hloov Raws (Adjustment Disorders)
 - Mob Raws Yam Ntxwv, tsis xam Mob Yam Ntxwv Tsis Haum Sawv Daws

¹³ 9 C.C.R. § 1830.205(b)(1)(A-R)

- Cov Mob Uas Hloov Kev Siv Tshuaj Kho Mob uas ntsig txog lwm kev tshuaj ntsuam uas xam nrog.
- 2. Koj yuav tsum muaj ib qho **kev puas tsuaj** vim qhov kev tsis ua haujlwm uas tshwm sim tsis zoo rau koj rab peev xwm coj tus kheej siv haujlwm lossis nyob nrog zej zog.¹⁴
- 3. Kev **cuam tshuam** (qhov kev pab cuam mob nkeeg fab hlwb uas koj xav tau) yuav tsum raug tsom ntsees rau kev puas tsuaj uas tseem tab tom tham txog.¹⁵
- 4. Tej kev cuam tshuam yuav tsum ua raws li **cheeb tsam qauv cai kev pab cuam mob nkeeg fab hlwb tshwj xeeb**. Qhov no txhais hais tias koj li zwj ceeb kuj yuav haum nrog tej kev kho mob nkeeg fwb hlwb sai heev, tab sis kuj yuav tsis haum tej kev kho mob fab nrog cev.¹⁶

Yog hais tias koj muaj hnuv nyoog qis dua 21 xyoos, tab sis koj tsis muaj raws li cov lus tseev kom muaj ntsig txog kev tsim nyog kho mob uas teev tseg hauv 9 C.C.R. § 1830.205(b)(2-3), tej zaum koj kuj tseem yuav tau txais cov kev pab cuam yog hais tias koj muaj ib tug mob uas raug teev tseg li saum toj dhau los no thiab tus mob uas koj muaj mob ntawd yuav tsis haum nrog kev kho mob nkeeg fab nrog cev.¹⁷

Yuav zoo li cas yog hais tias kuv muaj mob ntau tshaj ib tug mob?

Kev muaj ib qho kev mob nkeeg uas tsis muaj npe hauv daim ntawv teev tseg ces yuav tsis ua rau koj plam kev tau txais cov kev pab cuam yog hais tias koj muaj li ib hom mob nce mus uas muaj npe hauv daim ntawv teev tseg. Yog hais tias koj muaj ntau tshaj ib hom mob lawm tab sis koj cov hom mob muaj txij li ib hom nce mus uas nyob hauv daim ntawv teev tseg

¹⁴ 9 C.C.R. § 1830.205(b)(2)(A-B).

¹⁵ 9 C.C.R. § 1830.205(b)(3)(B)(1-2).

¹⁶ 9 C.C.R. § 1830.205(b)(3)(C).

¹⁷ 9 C.C.R. § 1830.210(a)(1-3).

saum toj dhau los no ces koj kuj tseem yuav tau txais cov kev pab cuam mob nkeeg fab hlwb tshwj xeeb.¹⁸

Kuv yuav tau txais cov kev pab cuam mob nkeeg fab hlwb mus zoo li cas?

Koj yuav tsum thov kev pab cuam los ntawm koj lub cheeb nroog li MHP piv txwv li rooj tsav xwm saib xyuas kev mob nkeeg fab hlwb lossis kev mob nkeeg raws xeeb ceem hauv cheeb nroog. Yog hais tias koj tsis tau txais cov kev pab cuam ziaq no ces koj tuaj yeem hu tau rau MHP tus xov tooj thiab thov kom muaj kev ntsuam xyuas. Mus saib Rooj Tsav Xwm Saib Xyuas Kev Mob Nkeeg Fab Hlwb Ntawm California tus Vev-Xaib ntsig txog daim ntawv teev npe qhia txog cov najnpawb xov tooj hu dawb rau MHP. Daim ntawv teev npe muaj nyob hauv <http://www.dhcs.ca.gov/individuals/Pages/MHPContactList.aspx>.

Yuav tsum muab cov kev pab cuam rau koj thaum uas koj xav siv. Qhov no txhais tau hais tias koj yuav tsis raug tso npe tias yog ib tug neeg nyob tos kev pab cuam. Qhov ntawd kuj tseem txhais tau hais tias yuav tsis tuaj yeem hais kom koj hu xov tooj rov tuaj dua vim cov sij hawm rau teem caij ntsib kws kho mob puv tag lawm. Koj yuav tsum tau txais yam tsawg kawg yog ib qho kev ntsuam xyuas txog koj li kev xav tau hauv cov kev pab cuam.

Kuv puas yuav tau pom zoo rau kuv tej kev npaj haujlwm fab neeg siv thiab cov kev pab cuam?

Yog. Koj li “kev npaj haujlwm fab neeg siv” yuav tsum muaj cov kev pab cuam mob nkeeg fab hlwb tshwj xeeb uas koj tsim nyog tau txais rau thiab tej ntaub ntawv uas koj pom zoo. Koj tuaj yeem kos npe rau daim ntawv npaj haujlwm lossis koj tus neeg muab kev saib xyuas tuaj yeem qhia tias koj pom zoo thiab yuav tuaj koom hauv koj li kev npaj haujlwm.¹⁹

¹⁸ 9 C.C.R. § 1830.205(c).

¹⁹ 9 C.C.R. 1810.205.2 and 440(c).

Yuav zoo li cas yog hais tias kuv tsis zoo siab rau kuv cov kev pab cuam lossis yog hais tias kuv cov kev pab cuam MHP raug tsis lees txais, raug txo, lossis raug ncuu tseg?

Yog hais tias koj ntsib yam tsis zoo hauv koj li MHP, ces koj tuaj yeem sau ntawv foob ib qho kev tsis txaus siab. Yog hais tias koj cov kev pab cuam raug hloov lossis koj raug tsis lees txais rau cov kev pab cuam uas koj xav tias koj muaj cai tau, ces koj tuaj yeem sau ntawv foob mus rau txheej siab dua. Tsis ntev dhau los no Lub Rooj Tsav Xwm Saib Xyuas Kev Pab Cuam Mob Nkeeg tau tawm ib daim ntawv sib tham txog txheej txheem kev tsis txaus siab thiab kev hais mus rau txheej siab, qhov uas koj tuaj yeem saib pom nyob ntawm:

<http://www.dhcs.ca.gov/formsandpubs/Documents/MMCDAPLsandPolicyLetters/APL2017/APL17-006.pdf>

Disability Rights California kuj tseem tau tso ib co ntawv luam tawm uas sib tham txog txheej txheem kev tsis txaus siab thiab kev hais mus rau txheej siab, [Daim Ntawv Luam Tawm #7134.01 - Cov Kev Tsis Txaus Siab, Cov Kev Hais Mus Rau Txheej Siab, thiab Rooj Kho Ob Tog Lus ntawm Kev Npaj Haujlwm Mob Nkeeg Fab Hlwb \(MHP, Mental Health Plan\) Qib Cheeb Nroog](#)

Cov Qauv Cai Ntawm Lub Sij Hawm thiab Ntu Kev Sib Nrug ntsig txog Cov Kev Pab Cuam Mob Nkeeg Fab Hlwb²⁰

Pib txij li lub Xya Hli Ntuj 2018, yuav muaj txoj cai tshiab hais txog cov cheeb nroog yuav muab cov kev pab cuam mus zoo li cas. Cov cheeb nroog yuav raug hais kom muab cov kev pab cuam kiag li ntu kev sib nrug ntawm koj li chaw nyob thiab raws li lub sij hawm meej tsheeb. Cov lus piau ntxaws ntxaws muaj nyob hauv qab no.

²⁰ Rooj Tsav Xwm Saib Xyuas Kev Pab Cuam Mob Nkeeg, MHSUDS Tus Najnpawb Ntawv Ceeb Toom Xov Xwm: 18-011, Hnub Tim 13 Lub Ob Hlis Ntuj 2018, *muaj nyob ntawm* http://www.dhcs.ca.gov/services/MH/Documents/Information%20Notices/IN%2018-%20Network%20Adequacy/MHSUDS_IN_18-011_Network_Adequacy.pdf, pg 6. - [\(Rov Mus Rau Ntawm Lub Hauv Paus Ntaub Ntawv\)](#)

Cov cheeb nroog nyob toj siab yuav tsum muab kev saib xyuas tsis dhau 60 miles lossis khiav tsheb li 90 feeb mus rau tom tus neeg tau txais txiaj ntsig qhov chaw nyob. Cov cheeb nroog no muaj xws li:

- Alpine, Calaveras, Colusa, Del Norte, Glenn, Humboldt, Imperial, Inyo, Lassen, Mariposa, Mendocino, Modoc, Mono, Plumas, San Benito, Shasta, Sierra, Siskiyou, Tehama, Trinity, thiab Tuolumne

Cov cheeb nroog me yuav tsum muab kev saib xyuas tsis dhau 45 miles lossis khiav tsheb li 75 feeb mus rau tom tus neeg tau txais txiaj ntsig qhov chaw nyob. Cov cheeb nroog no muaj xws li:

- Amador, Butte, El Dorado, Fresno, Kern, Kings, Lake, Madera, Merced, Monterey, Napa, Nevada, San Bernardino, San Luis Obispo, Sana Barbara, Sutter, Tulare, Yolo, thiab Yuba

Cov cheeb nroog nrab yuav tsum muab kev saib xyuas tsis dhau li 30 miles lossis khiav tsheb li 60 feeb mus rau tom tus neeg tau txais txiaj ntsig li chaw nyob. Cov cheeb nroog no muaj xws li:

- Marin, Placer, Riverside, San Joaquin, Santa Cruz, Solano, Sonoma, Stanislaus, thiab Ventura

Cov cheeb nroog loj yuav tsum muab kev saib xyuas tsis dhau 15 miles lossis khiav tsheb li 30 feeb mus rau tom tus neeg tau txais txiaj ntsig li chaw nyob. Cov cheeb nroog no muaj xws li:

- Alameda, Contra Costa, Los Angeles, Orange, Sacramento, San Diego, San Francisco, San Mateo, thiab Santa Clara

Kev Mus Ntsib Kws Kho Mob Raws Nraim Sij Hawm²¹

Tag nrho txhua cov kev npaj haujlwm kev pab cuam saib xyuas mob nkeeg uas muab lossis npaj rau hauv kev npaj nrhiav ntawm lub tsev kho mob lossis cov kev pab cuam kws kho mob, xam muaj cov kev npaj haujlwm mob nkeeg fab hlwb nrog uas yuav muab kev pab cuam kws kho mob lossis tsev kho mob, lossis qhov uas yuav muab cov kev pab cuam mob nkeeg fab hlwb raws nraim li daim ntawv cog lus uas muaj kev npaj

²¹ 28 C.C.R. tshooj 1300.67.2.2(c)(5).

Phab ntawv thib 11 ntawm 12

haujlwm pab cuam txhij txhua, yuav tsum qhia lub sij hawm siv cov kev pab cuam kom meej meej.

Hais tsij ntsees ces cov kev pab cuam nram qab no yuav tsum muaj siv nyob rau lub sij hawm nram qab no.

Cov kev teem caij ntsib kws kho mob thaum muaj mob ceev qhov uas tsis tas kom muaj kev tso cai ua ces yuav tsum teem cia tsis dhau 48 xuab moo; tab sis cov kev teem caij ntsib kws kho mob thaum muaj mob ceev uas yuav tseev kom muaj kev tso cai ua ntej ces yuav tsum teem cia tsis dhau 96 xuab moo.

Cov kev teem caij ntsib kws kho mob tseem ceeb uas tsis maj ceev ces yuav tsum tau teem cia tsis dhau 10 hnuv ua haujlwm; Cov kev teem caij ntsib kws kho mob txawj txaus (kev kho neeg xiam hlwb) uas tsis maj ceev ces yuav tsum tau teem cia tsis dhau 15 hnuv ua haujlwm; Cov kev teem caij ntsib kws kho mob fab hlwb uas tsis maj ceev (tsis yog kev kho neeg xiam hlwb) yuav tsum tau teem cia tsis dhau 10 hnuv ua haujlwm; thiab kev teem caij ntsib kws kho mob uas tsis maj ceev ntsig txog cov kev pab cuam khoom siv hauv kev tshuaj ntsuam lossis kev kho mob thaum raug mob, muaj mob lossis lwm yam zwj ceeb mob nkeeg ces yuav tsum teem cia tsis dhau 15 hnuv ua haujlwm.

Cov sij hawm tos thaum hu xov tooj yuav tsum raug tswj ciam tsis pub ntev tshaj 10 feeb. Cov kev pab cuam tso qib tseem ceeb kho mob (triage services) yuav tsum muaj siv ib hnuv 24 xuab moo ib lim tiam 7 hnuv thiab sij hawm hu rov qab yuav tsis ntev tshaj 30 feeb.

Tuaj Raws Nraim Sij Hawm – Cov Kev Zam Pub Uas Tswj Ciam

Txawm li cas los xij muaj ib co kev zam pub uas tswj ciam rau ntu sij hawm teem ntsib kws kho mob.

Piv txwv, hais txog cov kev teem caij ntsib kws kho mob uas raug txuas mus ntxiv²², qhov uas tus neeg muab kev kho mob yuav ntos txog lossis

²² 28 C.C.R. tshooj 1300.67.2.2(c)(5)(G).

Phab ntawv thib 12 ntawm 12

yuav kho mob tau raug txiav txim tias sij hawm tos ntev tshaj yuav tsum muaj qhov tshwm sim tsis zoo uas phom sij rau kev mob nkeeg ntawm tus neeg tau txais txiaj ntsig* thiab tau lees paub tias qhov kev zam pub no muaj nyob hauv cov ntaub ntawv teev tseg lawm, ntu sij hawm rau kev teem caij ntsib kws kho mob lwm zaus tej zaum kuj yuav txuas dhau ntu sij hawm yav dhau los sab sauv.

Dhau qhov ntawd ntxiv, cov neeg tus uas tuaj ntsib kws kho mob qee ntu tej zaum kuj yuav tau lub sij hawm ntev dua thaum tuaj ntsib thiab tej zaum yuav tau teem caij ua ntej.²³

²³ 28 C.C.R. tshooj 1300.67.2.2(c)(5)(H).